

**LAELII PEREGRINI ...  
ORATIO HABITA IN ALMO  
VRBIS GYMNASIO DE  
VTILITATE MORALIS  
PHILOSOPHIÆ, CUM...**

---

Lelio Pellegrini



LEWISII PIERCE  
ALAM ET S. A. G. A.  
THEOLOGICAL DOCTRINE

General and Special  
Theology and Philosophy  
of the Christian Church  
and the Christian World  
in the Christian Church  
and the Christian World  
in the Christian Church  
and the Christian World



LIBRARY OF THE  
THEOLOGICAL DOCTRINE

R O M A E

And the Christian Church  
and the Christian World  
in the Christian Church  
and the Christian World

# DE VUTILITATE MORALIS

Philosophiæ, Oratio.



**Q**UOD sepe a Deo immortalis precatus sum, Patres Amplissimi, ceterique Auditores ornatissimi, ut litterarios labores meos ea tandem viuendi ratio consequeretur, qua Romane iuuentuti studiorum meorum fructus, quantulacumque ea fuerint, impartiri possem, id iam diuina votis meis annuente bonitate, singulari SIXTI QVINTI Pontif. Opt. Max. beneficio, egregia sapientissimi huius almi Gymnasij Reſloris in bonos omnes uoluntate mihi uideo esse tributum. Ad exponendos n. Aristotelis Ethicorum & Politicorum libros in hanc Scholam, quasi in amplissimum quoddam glorie theatrum adſcitus, intelligo omnes mihi ingenij vires proferendas, omnemque suppellectilem multiplici olim lectione collectam explicandam, quando ut eximia sunt eruditione reſerti, ita politioris exquisitorijque litteraturæ poſcunt interpretæ, & pars ista Philosophiæ, quæ circa res agendas uertitur, disciplinarum omnium studiosis non paruum sit emolumentum allatura. Quotusquisque enim reſtrum est qui non intelligat, quantum eius cognitio ad illam Sacre Theologiæ portionem conferat, quæ de uitis, de uirtutibus, de fine, de felicitate, de actibus humanis, de libera hominis uoluntate accuratas & difficillimas textus disputationes? Testes sunt, ut antiquiores omittam, Basilus, Nazianzenus, Ambrosius, Augustinus, Magnus Gregorius, uiri cum doctrina singulari, tum admirabili quadam dicendi suauitate atque copia, qui eruditionem omnem paruo isto volumine comprehensam, diligentissime conquisitam, in suos commentarios transfulerunt, eosque sententijs Aristotelicis, quasi tabellas aureas miro artificio expolitas nobilibus margaritis distinxerunt. Testis est grauissimus & eruditissimus Thomas Aquinas, testis eius preceptor magnus Albertus, & qui acumine ingenij omnes, tum superioris, tum posterioris memoria homines antecessit, Ioannes Scotus, testes denique recentiores Theologi, qui rerum diuinarum scientiam ex Petustatis quasi umbraculis, in Solem, in puluerem, atque adeo in ipsam aciem eduixerunt, hi, inquam, sagacissimi ueritatis indagatores, ad instituendam uitam, ad mores componendos, ad pacandos affectus, ad uitiorum euulsionem, ad satum uirtutum, rotam quæ animi culturam, istos Aristotelis de moribus & Repub. quam eruditissime conscriptos libros magni reſerre usu ipso, sententijs innumeris ad incurrentium difficultatum decisionem inde petitis, declarauerunt. Ea uero ars, quæ tuendis corporibus occupatur, Morali philosophiæ ita coniuncta est, ut animus corpori. Bona n. malæ animi affectio magnam habet cum sanguine ceterisque humoribus communicationem, & mirum dictu est quantum ira bilis inflammetur, quantum Melancholia crescat ex tristitia, & intestino morore morbi uis intendatur, ut sapienter ueteres Magi statuerint, in male affectis sedandas esse prius animi perturbationes, quam sanando corpori manus admoueretur; quin etiam non uno experimento compertum sit, graues & inueteratos morbos a Medicis uel peruisiſimis desperatos, sola intimorum animi motuum compositione, & ad hilaritatem reuocatione curatos. Perturbatis uero medicina non aliunde petatur, quàm a Morali Philosopho; ille n. consolari docet afflicto, erigere timore depresso, ille nimium sibi ſidentes comprimit, luxuriantes frenat, mala denique omnia, & ipsam ma-

lorum radicem stirps extrahitur, se, conuulsurumque pollicetur. Iam uero de spe-  
cula tricus Philosophiæ cum hac nostra coniunctione quid omnino dicam, cum satis  
constet eas quasi geminas eodem partu natas, eandem fere conditionem sortitas in id  
unum incumbere, ut hominem, quoad fieri possit in hac uita calamitatum plenissima fe-  
licem reddant & beatum? Quod si quis uestrum uel inops otij, uel nimium forte labo-  
rem peritus malit, earum altera dimissa, alteri se tradere in situendum, & animi pen-  
deat, utri potissimum uite rationes committendas arbitretur, uelim sibi persuadeat,  
hanc, quæ de uita & moribus agit, multis fore nominibus preferendam, siue ordinem  
discendi spectet, siue discipline utilitatem. Nam & huic prius incumbendum esse quæ  
Physicis, ut pacatiore mente nature arcana tractentur, uetus fuit Peripateticorum sen-  
tentia, & cum uniuersa Philosophiæ planities tota frugifera sit & fructuosa, certe ea  
pars, quæ circa mores excolendos, & res tum publicas tum priuatas constituendas oc-  
cupatur, multo uberior est, atque feracior. Quapropter bene antiqui illi sensisse mihi ui-  
dentur, qui Philosophiam quasi agrum latissimum maximeque opimum constitue-  
runt, cuius Maceria, & Sepes ars esset ratiocinandi, quam Logicam appellat, Arbores  
ad eam, quæ est de obscuritate Nature, sed Fructus, quorum gratia feruntur arbores, ad  
Moralem pertinerent. Neque illud omittendum, quod Contemplator Philosophus, etsi  
audacissime intrat in rerum naturas, & eorum quæ infra Lunam sunt, peruestigatione  
minime contentus, Calum ipsum conscendit, multaque de eius natura & partibus, de  
motu, de figura, de uis Syderum inquirat, & omnem hanc rerum uniuersitatem ita pe-  
regnat, ut nullum faciat commentandi, nullum disserendi finem, ea tamen primis,  
ut dicitur, labris degustat non percipit, dubitat non assequitur, adumbrat non expri-  
mit; quod & Aristoteles ipse, uir cetera minime contemptor sui & in nature obscuri-  
tibus, quasi arbitri ueritatis communi Philosophorum iudicio constitutus, haud ui-  
detur inficiari, cum maiorem etatis partem per ignorantiam transigi, & maximam  
eorum, quæ scimus, portionem, minimam esse dixit illorum, quæ ignoramus. Latent n.  
omnia hactenus circumfusa tenebris, nec ex tanto obscuritatis profundo nisi pauca quæ-  
dam, eaque nec perfecte, nec sine labore, hactenus tot seculis deuolutis erui potuerunt.  
Præclare igitur ab Ecclesiaste traditum est, eum, qui addit scientiam, addere dolorem,  
cum Nature cognitio maximis obstructa difficultatibus, sine vi, sine dolore, sine spiri-  
tus, ut ille inquit, afflictione comparari nequeat, ac diuinum illud futuræ calamitatis  
Eluzium primæ Parenti enuntiatum, quod in dolore filios esset paritura, ad mentis no-  
stre sætus qui primus deduxit, pulebræ & acute mihi uidetur excogitasse; Concipit n.  
humana mens, diuersis ministerio sensuum grauidata notitijs, atque parit uarias, &  
multiplices rerum intelligentias; sed per dolores, sed per angustias, sed per maximas  
difficultates, quæ tamen longe absunt a Morali Philosophia, ut vel hoc ipso nomine sit  
audius præ ceteris expetenda, quod plana atque facili uia res præclaras maximeque  
humane uite necessarias tradens, noua semper discentem noliuptate perfundat. Sed re-  
uio ad Iurisprudentiam Vindicem scelerum, Politiarum omnium conseruatricem,  
quam certum est ex hac nostra facultate, quæ tum Ciuilib, tum Moralis à Platone,  
Aristotele, alijsque nuncupatur, ortum & incrementum habuisse. Indicat hoc nomen  
ipsum; Numquid enim Ius ciuile deriuatum aliunde suspicari licet quam à Ciuili fa-  
cultate? Fatentur id etiam Iurisperiti, & quidem ingenuè, quin potius magnopere glo-  
riantur. Nam & Ulpianus, in suis institutionibus, uerum se iure tradendo Philoso-  
phum



phum arbitrat, & germane Philosophiæ sectatorem, nec nō Marcus Tullius, vir di-  
mini humanique iuris atate sua consultissimus, multo commodius ferendarum legum  
rationem ex vberissimis Philosophiæ fontibus, quam ex duodecim Tabulis vel Præto-  
ris edicto hauriri posse arbitrat. Cum enim leges omnes eō spectent, ut iubeant bone  
fia, prohibeant contraria, Honesti autem regula vna sit moralis Philosophiæ, quæ do-  
cet quid rectum, quid obliquum, quid rationi consonum, quid ab ea alienum, nullus du-  
bitationi locus relinquitur leges non aliam agnoscere parentem & procreatricem, quā  
Ciuium disciplinam. Quod si vere illud ab Aristotele traditum est, non esse existi-  
mandum scire eum, qui rei causas & principia prima ignorauerit, cumulatam certe,  
& numeris omnibus absolutam iuris scientiam a Philosophiæ alienis minime conse-  
quetur. Vna restat nobis ars Oratoria ex orbe disciplinarum expendenda, de qua il-  
lud dictum sit, eam non esse suadendi opificem, sed adiutricem; cui si rerum altissimarū  
demptis cognitionem, vanus quidam & importunus remanebit verborum strepen-  
tium fluxus; optimeque illi congruet, quod in Leosthenis oratione Phocion reprehēdit,  
esse illam permissilem Cypresso, arbori quidem pulchræ & sublimi, sed quæ nulos ferat  
fructus, nec vili, nisi excisa, vsui sit, sola nature proceritate suspicienda. Non enim ste-  
rit animos oratio verbis quantumvis grandibus exaggerata, nisi sententias gravita-  
tis plenas ex intima Philosophiæ petitis secum trahat, quæ Auditores vinciant, quæ  
cogant relictantes, quæ mente male affectos expurgent, cum, ex Aristotelis sententia,  
non purgatis nec balneis illis sit, nec orationis vsus. Quæ in re non possum satis eos  
mirari qui Eloquentiæ studio flagrantes dies noctesque versandis terendisquæ M. Tul-  
lii libris insunt, singulas quasque particulas, minutissimas vocum coniunctiones,  
ambitus periodorum, structuram verborum, numerū atque pondus orationis quas-  
manu exigunt, & curiosè nimis peruestigant, piaculo se teneri opinantes, si nonum ali-  
quod Ciceroni vocabulum, si peregrinam loquendi formulā admittant, leuissimas ve-  
ro sententias, maximèque ad persuadendum accommodatas, quas diuinus ille vir in  
Platonis & Aristotelis schola diu voluntatus illustrium verborum elegantia, & miro  
quodam dicendi artificio auxit & ornauit quasi ab oratoria facultate alienas præter-  
mittunt. Hi profecto ex Eloquentiæ vbertate frondes colligunt, non fructus; indigni  
qui inter ferendos, ne dum inter bonos censeantur Oratores. Atqui ut Ixion in  
vetere fabula, cum resano in Iunonem impetu ferretur, vana specie deceptus  
nubem complexus est Iunonis sibi effugie obiectam, sic isti nimis in verbis le-  
gendis religiosi, Philosophiæ vero minime dediti, pro vera & solida Eloquenti-  
a vanam quandam, & inanem Eloquentiæ umbram nanciscuntur. Sed non sit  
vsui illi hæc nostra Disciplina Theologis, non conferat Medicis, non opituletur ijs,  
quorum opera vel in obscuritate nature, vel in cognitione Iuris, vel in Orationis ele-  
gantia occupatur, quid quod acres illas animi perturbationes intestinum hominem mi-  
sere depascentes comprimit & componit? quid quod pretiosissimis omnis generis vir-  
tutum diuitijs animum cumulat & exornat? quid quod rationem tuendæ parandæque  
rei familiaris, opus mortalibus cunctis quam gratissimum, tradit, docetque  
domesticas enitare difficultates, & necessariarum dissidia? Atqui domesticæ con-  
tentiones tanto sunt quouis externo bello detestabiliores, quanto proprias carnes mordere  
horribilius est, quam alienas absumere, lacerat autem & disperpuit propria membra,  
qui familiam, vnius quasi corporis compagibus constitutam, dissidijs & contentionibus

bus assidue diuexant. Cum igitur pestem istam tam salutem, tam execrabilem atque perniciosam facultas Moralis e nostris Penatibus euellat, & eiciat, an non magnū quoddam atque diuinū bonum eius videmur beneficio consequuti? Neque vero claudius prauis domibus hac tam praestans atque praepotens, maximeque hominum vitę necessaria Philosophia. Omnibus, enim, quae ad culturam animi pertinent, quam optime constitutis, tum etiam re familiari sapienter disposita, tadem prodiit in publicum, intrat in aulas Principum, in Senatum atque Concilium orbis terrarum, arripit Rerum publicarum gubernacula, conscendit speculas editissimas, vnde humanas actiones omnes contempletur, ad easque in commune bonum dirigendas promouendasque, quasi providentiae Diuinę simulachrum, descendit. Quae cum ita sint, Romani Iuuenes, hanc vobis pulcherrimam, vtilissimam, & ceteris praecellentem disciplinam propono totis viribus amplectendam, si auitam dicendi laudem, a maioribus hereditario vobis iure legatam, retinere vultis. Hae enim, apud Platonem diuertens, Demosthenem clarissimum Graeciae lumen reddidit eloquentem, hae in vno Arpinate effecit, ne Demosthenem Graecis inuideremus. Ad hanc, quasi classicum canens, eos potissimum excito atque lacecco, qui munitissimam, maximeque repositam Felicitatis arcē expugnare contendunt. Sola contemplatio vniuersi non facit hominem beatum; si nulla eam actio, nulla rerum agendarum cognitio sequatur. Et quemadmodum non censetur perfectum illud, suisque partibus constans aedificium, quod nullo fulcitur fundamento, ita non est existimandum absolutum cum esse Philosophum, qui cum ex naturae speculatione nobilissimas & editissimas aedes construxerit, nequaquam ex Ciuili facultate satis tanto oneri firma iecerit fundamenta. Quin etiam vt Apelles quondam Coe Veneris caput, & summa perfloris mira arte perfecit, reliquam partem corporis inchoatam dimisit, ita si in eotantum vobis esset elaboratum, vt naturae cognitione mentem excoleretis, quae vero ad mores pertinent, vt inutilia, minusque ad animi cultum accommodata, praeirerentur, egrégium porro Sapientiae aedificium magnifice inchoatum, rude & imperfectum apud Semphilosophos remaneret. Ad hanc vos etiam aequae etiam hortor, quicumque legum, quas quotidie teritis, rationem assequi desideratis. Hinc enim sacrae Principum constitutiones, hinc edicta Praetorum, hinc Senatus consulta sapientium auctoritate sancita, hinc responsa Prudentum ad emergentium difficultatum, explicationem recepta fluxerunt, Non sunt vobis, non sunt immensa illa, & propemodum infinita, Iurisperitorum nostri seculi scripta versanda, quibus euoluendis non sufficit aetas, breui huius vnus paruivoluminis lectione res tota peragitur. Antiqui, vt Nili fontes indagarent, nihil non laboris atque periculi subierunt. Ab Aegypto, innumeris fluuij superatis anfractibus, per arduas excelsasque pluribus locis rupes, ad partes Aethiopiae deuenere; inde magno circuitu in Nigridem, vnde arenis exceptus, & occultatus iterum erumpit, delati sunt; post longo ambitu per vastas solitudines, per loca feris infesta, rebusque ad vitum necessarijs destituta, multorum dierum iter emensi, diu errabundi peruenierunt in Mauritaniam, vnde Nilus sepe caernis sese abdens, sepe foras emergens, quasi natus ad eludendum exoritur; opus certe curiosum, & laboris atque periculi plenum, ceterum quod paruum indagatoribus dignitatem, nullam fere vtilitatem esset allaturum; laborarunt illi tamen in re non adeo graui, maximeque ad Nili ortum inuestigandum insudarunt: Vos vt ad sacrarum legum, quibus orbis regitur, fontes deueniatis, pedem domo non efferetis? Illi vt vnus annis initium indagarent, tot terras peragrarent,

tot aquarum spatia transfuderunt, tot sese discriminibus obiecerunt, vos ut sanctissimi  
 maius incunabula consequamini, ad aureos istos & uberrimos fontes largiore co-  
 pia ab Aristotele uobis apertos accedere egregeretis? O facinus indignum, O tur-  
 pem contemptum rerum utilissimarum, paruo labore detineri, quominus Mora-  
 lis Philosophia præceptis animum imbuamus, quæ leges condit, ciuitates con-  
 stituit, uitia pellit, uirtutes in animo ferit, humanam uitam tueretur, eamque felici-  
 tem reddit & beatam. Id se maxime cupere declarauit S I X T V S V. e-  
 gregius Mecenas litterarum, qui ut est amano cum primis ingenio & omni liberali  
 doctrina politissimo, maximeque ad Monarchiam accomodato, nobile istud Ethicæ,  
 atque Politicæ studium, quo regendi orbis ratio continetur, diu, nec sine magna Vrbs  
 iactura intermissum restituit, neque passus est, in hac Musarum sede eam potissimum  
 desiderari disciplinam, cuius beneficio in bene constitutas ciuitates Musæ receptæ  
 sunt, & magno semper in honore habitæ. Equidem cum egregiam Gubernationis for-  
 mam ab illo insitutam confidero, cum sanctissimas, ad perditos huius corrupti seculi  
 mores abolendas, editas constitutiones, cum multas ingrauescentis Annona superæ-  
 ratas difficultates, & ne in posterum eius caritas timenda foret, res omnes optime pro-  
 uisas, cum Regiis adificijs in Dei cultum Urbem ornatam, cum ad Publicam Commo-  
 ditatem uias opportunè stratas, cum salubres Aquas, hominum conuictui adeo neces-  
 sarias, per loca prærupta, innumeris subterraneis effossis Lapidiniis, Romam indu-  
 ctas, cum uastissimos, & in Calum minantes Obeliscos, quibus è priori sede mouendis  
 naturæ & artis uires eludendæ uidebantur, & loco motos, & translatos, & erectos, &  
 Religioni, qua maxime Populi consensus & communio continentur, dicatos, cum Sica-  
 rios, scelestosque homines, qui iam itinera obstructuerant, & priuata negotia, ne diu  
 publica commercia, clauserant, diuina eius unius prouidentia partim exterminatos,  
 partim e medio sublato, cum securitatem & quietem, tantopere nobis expetitam, re-  
 stitutam, cum firmam pacem optimis fundatam legibus, cum iuste moderatæque Do-  
 minationis præsidia quamplurima eiusdem cura & sollicitudine comparata, quæ &  
 ad Pacis custodiendam, & ad belli neruum. (ita enim pecuniam Demosthenes appellabat,) si  
 quando res commoueri, perturbariue contingat, sint profutura, cum denique perfe-  
 ctam absolutæ, & suis quasi uiribus nitentis Reipub. speciem a Platone & Aristotele  
 vix animo comprehensam, & uerbis adumbratam, attamen a S I X T O V. factis  
 & re bene gestâ mire expressam, cæterisque, qui eum consequuturi sunt, ad imitandam  
 propositam intueor, in eam uenio cogitationem, hunc quidem Principem Deo maxime  
 charum, non sine multa Diuinæ bonitatis luce desuper accepta, tot res, tam uarias, tam  
 cogitatu difficiles breuissimo tempore perficere potuisse. Cor enim Regis in manu Do-  
 mini, quocumque uoluerit inclinabit illud, cæterum assidua in bonas artes ab eo, cum  
 priuatus ageret, opera impensa, maxime uero in Ethicæ, cuius ille studiosissimus exti-  
 tit collata, mihi persuadet, eum non modo ex Sacris litteris, quibus mira quædam  
 mores conformandos, & moderandum orbem accommodata præcepta continentur, nō  
 ex sanctis tantum Patribus, quos etiam in dignitate constitutus diligentissime cuo-  
 luit, & uersauit, non ex Basilio solum, Nazianzeno, Augustino, & qui maxime in hoc  
 genere præstans est, Ambrosio, uerum ex aureis etiam & copiosissimis Platonis &  
 Aristotelis fontibus præcellentem istam bene beateque uinendi normam aliqua ex  
 parte hausisse. Quapropter si uos Philosophiæ de moribus amplitudo minime delectat,

Prouerb.  
 xi.

si eius



*si eius non mouet utilitas, at saltem Optimi Principis, re ipsa, non vano nomine Philo-*  
*sophi, exemplum excitet, Quales enim in Repub. principes, tales Plato docuit reli-*  
*quos solere esse ciues. Ego quod ad me attinet, Auditores ornatissimi, non parcam labo-*  
*ribus aut vigilijs, ut quæ ad Ethicorum explanationem a me afferentur, sint digna*  
*ingenijs uestris, digna maiestate auctoris, digna amplitudine huius toto orbe celebra-*  
*tissimi Gymnasij, quod ego Emporium bonarum artium iure optimo appellauerim, &*  
*quantum in me erit, efficiam, ne præstantissimum virum Simonem Cecchinum Modera-*  
*torem nostrum, qui me potissimum ad tanti operis molem elegit, pæniteat aliquando*  
*consilij sui. Has tibi primas referam gratias, Rector sapientissime, quod me nimio lan-*  
*guentem otio ad hanc litterariam Palæstram excitaueris, quod natura cunctantem, &*  
*quasi verecundantem, minimeque proprijs fidentem viribus, ad publicè docendi mu-*  
*nus suscipiendum inuitaueris, quod grauisimo testimonio tuo, & perhonorifica de*  
*me apud Principem nostrum commemoratione perfeceris, ut mihi potissimum, ho-*  
*mini haud satis in scholis exercitato, eiusmodi prouincia demandaretur, hoc in-*  
*quam erit initium gratiæ referendæ, eniti quantum potero, ut satisfa-*  
*ciam expectationi, quam ipse de me commouisti. Vos Romani*  
*Inuenes toto præsentis anni decursu testes eritis fidei, o-*  
*peræ, & diligentiae meæ, cuius ut hodierno etiam*  
*die experimentum aliquod edatur, ad ipsam*  
*contextus Aristotelici explanatio-*  
*nem descendamus.*

FINIS.